



盛唐彙詩卷第四十四

四唐彙詩一百一十四

長安

長安郡
振聲也

新都

新都

吳勉學

編輯

五言古體

五言古體
詩法

江晏如 校訂

五言古體

詩法

西施詠

王維

西施詠

王維

豔色天下重西施寧久微朝仍越谿女暮作吳

宮妃賤日豈殊衆貴來方悟稀邀人傳香粉不

自着羅衣君寵益嬌態君憐無是非當時浣紗

伴莫得同車歸持謝鄰家子效顰安可希
宮歌頌李陵詠果貴來六部餘數人王維
漢家李將軍三代將門子結髮有奇策少年成
壯士長驅塞上兒深入單于壘旌旗列相向
鼓悲何已日暮沙漠陞戰聲煙塵裏將令
驕虜滅豈獨名王侍既失大軍援遂嬰窮
廬耻少小蒙漢恩何堪坐思此深衷欲有
報投軀未能死引領望子卿非君誰相理

蘇武集卷四十四

四書集註一李白

蘇武在匈奴十年持漢節白鴈上林飛空傳一
書扎牧羊邊地苦落日歸心絕渴飲月窟水饑
餐天上雪東還沙塞遠北愴河梁別泣把李陵
衣相看淚成血

西施

李白

西施越谿女出自苧蘿山秀色掩今古荷花羞
玉顏浣紗弄碧水自與清波閑皓齒信難開沈
吟碧雲間句踐徵絕豔揚娥入吳關提攜館娃
宮杳眇詎可攀一破夫差國千秋竟不還

香奴王右軍

李白

右軍本清真瀟灑出風塵山陰過羽客愛此好
鸞賓掃素寫道經筆精妙入神書罷籠鸞去何
曾別主人

上元夫人

李白

上元誰夫人偏得王母嬌嗟峨三角髻餘髮散
垂腰裘披青毛錦身着赤霜袍手提羸女兒閑
與鳳吹簫眉語兩自笑忽然隨風飄

商山四皓

李白

白髮四老人昂藏南山側偃蹇松雪間冥翳不
可識雲牕拂青靄石壁橫翠色龍虎方戰爭於
焉自休息秦人失金鏡漢祖昇紫極陰虹濁太
陽前星遂淪匿一行佐明主倏起生羽翼功成
身不居舒卷在胃臆窅冥合元化芒昧信難測
飛聲塞天衢萬古仰遺跡

濟上四賢詠

王維

崔錄事

解印歸田里賢哉此大夫少年曾任俠晚節更

爲儒遜跡東山下因家滄海隅已聞能狎鳥余
欲共乘桴

成文學

寶劍千金裝登君白玉堂身爲平原客家有邯
鄲娼使氣公卿座論心游俠場中年不得意謝
客病遊梁

鄭霍二山人

翩翩繁華子多出金張門幸有先人業早蒙明
主恩童年且未學肉食驚華軒豈乏中林士無

人薦至尊鄭公老泉石霍子安丘樊賣藥不二
價著書盈萬言息陰無惡木飲水必清源吾賤
不及議斯人竟誰論

三君詠

并序

高適

開元中適遊於魏郡郡北有故太師鄭公舊
館里中有故尚書郭公遺業邑外又有故太
守狄公生祠焉觀物增懷遂爲三君詠

魏鄭公

徵

鄭公經綸日隋氏風塵昏濟代取高位逢時敢

直言道光先帝業義激舊君恩寂寞臥龍處英
靈千載覓縣公

中外公郭代公

元振

代公實英邁津涯浩難識擁兵抗矯徵仗節歸
有德縱橫負才智顧盼安社稷流落勿重陳懷
哉為悽惻高

不文翔洪狄梁公

仁傑

梁公乃貞固勳烈垂竹帛昌言太后朝潛運儲
君策待賢開相府共理登方伯至今青雲人猶

是門下客

也十覽柏中丞兼子姪數人除官制詞因述

父子兄弟四美載歌絲綸杜甫

紛然喪亂際見此忠孝門蜀中寇亦甚柏氏功
彌存深誠補王室戮力見元昆三止錦江沸獨
清玉壘昏高名入竹帛新渥照乾坤子弟先卒
伍芝蘭疊瓊璠同心注師律灑血在戎軒絲綸
實具載絃冕已殊恩奉公舉骨肉誅叛經寒溫
金甲雪猶凍朱旗塵不翻每聞戰場說歛激懦

氣奔聖主國多盜賢臣官則尊方當節鉞用必
絕祿祲根吾病日回首雲臺誰再論作歌挹盛
事推轂期孤騫

李雲南征蠻詩

并序

高適

天寶十一載有詔伐西南夷右相楊公兼節
制之寄乃奏前雲南太守李宓涉海自交趾
擊之道路險艱往復數萬里蓋百王所未通
也十二載四月至於長安君子是以知廟堂
使能而李公効節適忝斯人之舊因賦是詩

聖人赫斯怒詔伐西南戎肅穆廟堂上深沈節
制雄遂令感激士得建非常功料死不料敵顧
恩寧顧終鼓行天海外轉戰蠻夷中梯巘近高
鳥穿林經毒蟲鬼門無歸客北戶多南風蜂虿
隔萬里雲雷隨九攻長驅大浪破急擊羣山空
餉道忽已遠懸軍垂欲窮精誠動白日憤薄連
蒼穹野食掘田鼠脯餐兼熨僮收兵列亭埃拓
地彌西東臨事耻苟免履危能飾躬將星獨照
耀邊色何溟濛瀘水夜可涉交州今始通歸來

長安道召見甘泉宮廉藺若未死孫吳知暗同
相逢論義氣慷慨謝深衷

玉真仙人詞卷之二李白

玉真之仙人時往太華峯清晨鳴天鼓颺歛騰
雙龍弄電不輟手行雲本無蹤幾時入少室王
母應相逢

歷陽壯士勤將軍名思齊歌并序

歷陽壯士勤將軍神力出於百夫則天太后

李白

召見奇之授遊擊將軍賜錦袍玉帶朝野榮
之後拜橫南將軍大臣慕義結十友即燕公
張說館陶公郭元振爲首余壯之遂作詩
太古歷陽郡化爲洪川在江山猶鬱盤龍虎秘
光彩蓄洩數千載風雲何霍靈特生勤將軍神
力百夫倍

遭田父泥飲美嚴中丞卷之二杜甫

步屨隨春風村村自花柳田翁逼社日邀我嘗
春酒酒酣誇新尹畜眼未見有回頭指大男渠

是弓弩手名在飛騎籍長番歲時久前日放營
農辛苦救衰朽差科死則已誓不舉家走今年
大作社拾遺能住否叫婦開大餅盆中爲吾取
感此氣揚揚須知風化首語多雖譟亂說尹終
在口朝來偶然出自卯將及酉久客諳人情如
何拒鄰叟高聲索果栗欲起時被肘指揮過無
禮未覺村野醜月出遮我畱仍嗔問升斗

哥舒大夫頌德

儲光義

天紀啟真命君生臣亦生乃知赤帝子復有蒼

龍精神武建皇極文昌開將星超超渭濱器落
落山西名畫圖入受服鑿門出扞城戎人昧正
朔我有軒轅兵隴路起豐鎬關雲隨旆旌河湟
訓兵甲義勇方橫行韓魏多銳士厥張在幕庭
大非四決軋石堡高崢嶸攻伐若振槁孰云非
神明嘉謀卽天意驟勝由師貞枯草被西陸烈
風昏太清戢戈旄頭落牧馬崑崙平賓從儼冠
蓋封山紀天聲來朝芙蓉闕鳴玉飄華纓直道
濟時憲天邦遂輕刑抗書報知己松柏亦以榮

嘉命列上第德輝照天京在車持簡墨粲粲皆
詞英顧我搶榆者莫能翔青冥遊燕非騏驥躑
躅思長鳴

洗心

司馬退之

不踐名利道始覺塵土腥不味稻粱食始覺精
神清羅浮奔走外日月無短明山瘦松亦勁鶴
老飛更輕逍遙此中客翠髮皆長生草木多古
色雞犬無新聲君有出俗志不貪英雄名傲然
脫冠帶改換人間情去矣丹霄路向曉雲冥冥

空靈山應田叟

常建

湖南無村落山舍多黃茅淳朴如太古其人居
鳥巢牧童唱巴歌野老亦獻嘲泊舟問谿口言
語皆啞咬土俗不尚農豈暇論肥瘠莫徭射禽
獸浮客烹魚鮫余亦呆且人獲麋今尚苞敬君
中國來願以充其庖日入聞虎鬪空山滿咆哮
懷人雖共安異域終難交白水可洗心采薇可
爲肴洩策背落日江風鳴稍稍

燕子龕禪師

王維

山中燕子龕路據羊腸惡裂地競盤屈插天多
峭嶒瀑泉吼而噴怪石看欲落伯禹訪未知五
丁愁不鑿上人無生緣生長居紫閣六時自槌
磬一飲常帶索種田多白雲斫漆響丹壑行隨
拾栗猿歸對巢松鶴時許山神請偶逢洞仙博
救世多慈悲卽心無行作周商倦積阻蜀物多
掩泊巖腹乍旁穿澗脣時外拓橋因倒樹架柵
值垂藤縛鳥道悉已平龍宮爲之涸跳波誰揭
厲絕壁免捫摸山木日陰陰結跣歸舊林一向

石門裏任君春草深

羽林騎閨人

王維

秋月臨高城城中管絃思離人堂上愁稚子塔
前戲出門復映戶望望青絲騎行人過欲盡狂
夫終不至左右寂無言相看共垂淚

仙谷遇毛女意知是秦官人

常建

谿口水石淺泠泠明藥叢入谿雙峯峻松栝踈
幽風垂嶺枝嫋嫋翳泉花濛濛負綠霽人目路

盡心彌通盤石橫陽崖前臨殊未窮回潭清雲
影瀾漫長天空水邊一神女千歲爲玉童羽毛
經漢代珠翠逃秦官目覩神已寓鶴飛言未終
祈君青雲秘願謁黃仙翁嘗以耕玉田龍鳴西
頂中金梯與天接幾日來相逢

飯覆釜山僧

王維

晚知清淨理日與人羣踈將候遠山僧先期掃
敝廬果從雲峯裏顧我蓬蒿居藉草飯松屑焚
香看道書燃燈晝欲盡鳴磬夜方初一悟寂爲

樂此生閑有餘思歸何必深身世猶空虛

回軍跛者

趙微明

既老又不全始得離邊城一枝假枯木步步向
南行去時日一百來時月一程常恐道路傍掩
棄狐兔瑩所願死鄉里到日不願生聞此哀怨
詞念念不忍聽惜無異人術倏忽具爾形

尹相公京兆府中棠樹降甘露詩

相國尹京兆政成人不欺甘露降府庭上天表

無私非無他人家豈少羣木枝被茲甘棠樹美
掩召伯詩團團甜如蜜晶晶凝若脂千柯玉光
碎萬葉珠顆垂崑崙何時來慶雲相逐飛魏宮
銅盤貯漢帝金掌持王澤布人和精心動靈祇
君臣日同德禎瑞方潛施何術令大臣感通能
及茲忽驚政化理暗與神物期却笑趙張輩徒
稱今古稀爲君下天酒麴蘖將用時

盛唐彙詩卷第四十四

盛唐彙詩卷第四十五

四唐彙詩二百一十五

新都

吳勉學 編輯
江晏如 校訂

五言古體

題詠

喜雨

杜甫

春旱天地昏日色赤如血晨事都已休兵戈况
騷屑巴人困軍須慟哭厚土熱滄江夜來雨真
帝罪一雪穀根少蘇息沴氣終不滅何由見寧

歲解我憂思結崢嶸羣山雲交會未斷絕安得
鞭雷公滂沱洗吳越

大雨

杜甫

西蜀冬不雪春農尚嗷嗷上天回哀眷朱夏雲
鬱陶執熱乃沸鼎纖絺成緼袍風雷颯萬里需
澤施蓬蒿敢辭茅葦漏已喜黍豆高三日無行
人二江聲怒號流惡邑里清矧茲遠江臯荒庭
步鸛鶴隱几望波濤沈疴聚藥餌頽忘所進勞
則知潤物功可以貸不毛陰色靜隴畝勸耕自

官曹四鄰出耒耜何必吾家操

雨

杜甫

山雨不作泥江雲薄爲霧晴飛半嶺鶴風亂平
沙樹明滅洲景微隱見巖姿露拘悶出門遊曠
絕經目趣消中日伏枕臥久塵及屨豈無平肩
輿莫辯望鄉路兵戈浩未息蛇虺反相顧悠悠
邊月破鬱鬱流年度針灸阻朋曹糠粃對童孺
一命須屈色新知漸成故窮荒益自卑飄泊欲
誰訴疴羸愁應接俄頃恐違迂浮俗何萬端幽

盛唐詩集 卷四十五
人有高步龐公竟獨往尚子終罕遇宿留洞庭
秋天寒瀟湘素杖策可入舟送此齒髮暮

雷

杜甫

大旱山嶽焦密雲復無雨南方瘴癘地罹此農
事苦封內必舞雩峽中喧擊鼓真龍竟寂寞土
梗空俯僂吁嗟公私病稅歛缺不補故老仰面
啼瘡痍向誰數暴庭或前聞鞭巫非稽古請先
偃甲兵處分聽人主萬邦但各業一物休盡取
水旱其數然堯湯免親覩上天爍金石羣盜亂

豺虎二者存一端愆陽不猶愈昨宵殷其雷風
過齊萬弩復吹霾翳散虛覺神靈聚氣暘腸胃
融汗滋衣裳污吾衰猶計拙失望築場圃

火

杜甫

楚山經月火大旱則斯舉舊俗燒蛟龍驚惶致
雷雨爆嵌魑魅泣崩凍嵐陰昡羅落拂百泓根
源皆萬古青林一灰燼雲氣無處所入夜殊赫
然新秋照牛女風吹巨焰作河棹騰煙柱勢欲
焚崑崙光瀾炊洲渚腥至焦長蛇聲吼纏猛虎

神物已高飛不見石與土爾寧要訪諸憑此近
焚侮薄關長吏憂甚昧至精王遠遷誰撲滅將
恐及環堵流汗臥江亭更深氣如縷

雨

杜甫

峽雲行清曉煙霧相徘徊風吹滄江去雨灑石
壁來萋萋生餘寒殷殷兼出雷白谷變氣候朱
炎安在哉高鳥濕不下居人門未開楚宮久已
滅幽佩為誰哀侍臣書王夢賦有冠古才冥冥
翠龍駕多自巫山臺

雨

杜甫

行雲遞崇高飛雨靄而至潺潺石間溜汨汨松
上駛亢陽乘秋熱百穀皆已棄皇天德澤降焦
卷有生意前雨傷卒暴今雨喜容易不可無雷
霆間作鼓增氣佳聲達中宵所望時一致清霜
九月天髣髴見滯穗郊扉及我思我圃日蒼翠
恨無抱甕方庶減臨江費

雨二首

杜甫

青山淡無姿白露誰能數片片水上雲蕭蕭砂

中雨殊俗狀巢居層臺附風渚佳客適萬里沈
思情延佇挂帆遠色外驚浪滿吳楚久陰蛟螭
出寇盜復幾許

又

空山中宵陰微冷先枕席迴風起清曙萬象萋
已碧落落出岫雲渾渾倚天石日假何道行雨
含長江白連檣荊州船有士荷茅戟南防草鎮
慘霑濕赴遠役羣盜下辟山總戎備強敵水深
雲光廓鳴櫓各有適漁艇息悠悠夷歌負樵客

留滯一老翁書時記朝夕

牽牛織女

杜甫

牽牛在河西織女處其東萬古永相望七夕誰
見同神光竟難俟此事終蒙隴颯然精靈合何
必秋遂通亭亭新妝立龍駕具層空世人亦爲
爾祈請走兒童稱家隨豐儉白屋達公宮膳夫
翊堂殿鳴玉萋房櫳曝衣遍天下曳月揚微風
蛛絲小人態曲綴瓜果中初筵裛重露日出甘
所終嗟汝未嫁女秉心鬱忡忡防身動如律竭

力機杼中雖無舅姑事敢昧織作功明明君臣
契咫尺或未容義無棄禮法恩始夫婦恭大小
有佳期戒之在至公方圓苟齟齬丈夫多英雄

太平寺泉眼

杜甫

招提憑高岡踈散連草莽出泉枯柳根汲飲歲
月古石間見海眼天畔縈水府廣深丈尺間冥
息敢輕侮青白二小蛇幽姿可時覩如絲氣或
上爛熳爲雲雨山頭到山下鑿井不盡土取供
十方僧香美勝牛乳北風起寒文弱藻舒翠縷

明涵客衣淨細蕩林影趣何當宅下流餘潤通
藥圃三春濕黃精一食生毛羽

宓樽詩

元結

巉巖小山石數峯對宓亭宓石堪爲樽狀類不
可名巡迴數尺間如見小蓬瀛樽中酒初漲始
有島嶼生豈無日觀峯直下臨滄溟愛之不覺
醉醉臥還自醒醒醉在樽畔始爲吾性情若以
形勝論坐隅臨郡城平湖近階砌遠山復青青
異木幾十株枝條冒簷楹盤根滿石上皆作龍

蛇形酒堂貯釀器戶牖皆鑿鉞此樽可常滿誰
是陶淵明
平公今詩伯秀發吾所羨奉使三峽中長嘯得
石硯巨璞禹鑿餘異狀君獨見其滑乃波濤其
光或雷電聯坳各盡墨多水透隱見揮灑容數
人十手可對面比公頭上冠貞質未爲賤當公
賦佳句况得終清宴公含起草姿不遠明光殿
致于丹青地知汝隨顧盼

杜甫

精衛

岑參

負劍出北門乘桴適東溟一鳥海上飛云是帝
女靈玉顏溺水死精衛空爲名怨積徒有志力
微竟不成西山木石盡巨壑何時平

義鶻行

杜甫

陰崖有蒼鷹養子黑柏顛白蛇登其巢吞噬恣
朝餐雄飛遠求食雌者鳴辛酸力彊不可制黃
口無半存其父從西歸翻身入長烟斯須領健
鶻痛憤寄所宣斗上捩孤影噉哮來九天脩鱗

脫遠枝巨穎折老拳高空得蹭蹬短草辭蜿蜒
折尾能一掉飽腸已皆穿生雖滅衆雛死亦垂
千年物情有報覆快意貴目前茲實鷲鳥最急
難心爛然功成失所往用捨何其賢近經滴水
湄此事樵夫傳飄蕭覺素髮凜欲衝儒冠人生
許與分只在顧眄間聊爲義鶻行用激壯士肝

杜鵑

杜甫

西川有杜鵑東川無杜鵑涪萬無杜鵑雲安有
杜鵑我昔遊錦城結廬錦水邊有竹一頃餘喬

木上參天杜鵑暮春至哀哀叫其間我見常再
拜重是古帝魂生子百鳥巢百鳥不敢嗔仍爲
餒其子禮若奉至尊鴻鴈及羔羊有禮太古前
行飛與跪乳識序又知恩聖賢古法則付與後
世傳君看禽鳥情猶解事杜鵑今忽暮春間值
我病經年身病不能拜淚下如迸泉

今故觀四松

杜甫

四松初移時大抵三尺強別來忽三歲離立如
人長會看根不拔莫計枝凋傷幽色幸秀發踈

柯亦昂藏所插小藩籬本亦有隄防終然根撥
損得愧千葉黃敢爲故林主黎庶猶未康避賊
今始歸春草滿空堂覽物歎衰謝及茲慰淒涼
清風爲我起灑面若微霜足以送老姿聊待偃
蓋張我生無根蒂配爾亦茫茫有情且賦詩事
迹可兩忘勿矜千載後慘澹蟠穹蒼

病栢

杜甫

有栢生崇岡童童狀車蓋偃蹇龍虎姿主當風
雲會神明依正直故老多再拜豈知千年根中

路顏色壞出非不得地盤據亦高大歲寒忽無
憑日夜柯葉改丹鳳領九雛哀鳴翔其外鴟鳴
志意滿養子穿穴內容從何鄉來竚立久吁恠
靜求元精理浩蕩難倚賴

病橘

杜甫

羣橘少生意雖多亦奚爲惜哉結實小酸澀如
棠梨剖之盡蠹蟲采掇爽其宜紛然不適口豈
止存其皮蕭蕭半死葉未忍別故枝玄冬霜雪
積况乃迴風吹嘗聞蓬萊殿羅列瀟湘姿此物

歲不稔玉食天光輝寇盜尚憑陵當君減膳時
汝病是天意吾愁罪有司憶昔南海使奔騰獻
荔枝百馬死山谷到今耆舊悲

枯櫟

杜甫

蜀門多櫟櫚高者十八九其皮割剝甚雖衆亦
易朽徒布如雲葉青青歲寒後交橫集斧斤凋
喪先蒲柳傷時若軍乏一物官盡取嗟爾江漢
人生成復何有有同枯櫟木使我沈歎久死者
卽已休生者何自守啾啾黃雀啁側見寒蓬走

念爾形影乾摧殘沒藜莠

枯枿

杜甫

梗枿枯崢嶸鄉黨皆莫記不知幾百歲慘慘無
生意上枝摩蒼天下根蟠厚地巨圍雷霆圻萬
孔蟲蟻萃凍雨落流膠衝風奪佳氣白鶴遂不
來天雞爲愁思猶含棟梁具無復霄漢志良工
苦昔少識者出涕淚種榆水中央成長何容易
截承金露盤裊裊不自畏

羣鴉詠

儲光羲

新宮驪山陰龍袞時出豫朝陽照羽儀清吹肅
遠路羣鴉隨天車夜滿新豐樹所思在腐餘不
復憂霜露河低宮閣深燈隱鼓鐘曙續紛起寒
枝矯翼時相顧冢宰收琳琅侍臣進鸚鷺高舉
摩太清永絕矰繳懼茲禽亦翱翔不以微小故
嵩山采菖蒲者
李白
神人多古貌雙耳下垂肩嵩嶽逢漢武疑是九
疑仙我來采菖蒲服食可延年言終忽不見滅
影入雲煙喻帝竟莫悟終歸茂陵田

魯東門觀刈蒲

李白

魯國寒事早初霜刈渚蒲揮鎌若轉月拂水生
連珠此草最可珍何必貴龍鬚織作玉牀席欣
承清夜娛羅衣能再拂不畏素塵蕪

秋行官張望督促東渚耗稻向畢清晨
遣女奴阿稽豎子阿段往問

杜甫

東渚雨今足佇聞杭稻香上天無偏頗蒲稗各
自良人情見非類田家戒其荒功夫競搨搨除

草置岸傍穀者命之本客居安可忘青春具所
務勤墾免亂常吳牛力容易並驅紛遊場豐苗
亦已穢雲水照方塘有生固蔓延靜一資隄防
督領不無人提攜頗在綱荆揚風土煖肅肅俟
微霜尚恐主守踈用心未甚臧清朝遣婢僕寄
語踰崇岡西成聚必散不獨陵我倉豈要仁里
譽感此亂世忙北風吹蒹葭蟋蟀近中堂荏苒
百工休鬱紆遲暮傷

暇日小園散病將種秋菜督勤耕牛兼

書觸目

杜甫

不愛入州府畏人嫌我真及乎歸茅宇苟舍未
曾嗔老病恐拘束應接喪精神江村意自放林
木心所欣秋耕屬地濕山雨近甚勻冬菁飯之
半牛力晚來新深耕種數畝未甚後四鄰嘉蔬
既不一名數頗具陳荆巫非苦寒採櫨接青春
飛來兩白鶴暮啄泥中芹雄者左翮垂損傷已
露筋一步再流血尚驚矰繳勤三步六號叫志
屈悲哀頻鸞鳳不相待側頸訴高旻杖藜俯沙

渚爲汝鼻酸辛

課伐木 并序

杜甫

課隸人伯夷辛秀信行等入谷斬陰木人日
四根止維條伊枚正直挺然晨征暮返委積
庭內我有藩籬是缺是補載截篠蕩伊仗支
持則旅次于小安山有虎知禁若恃爪牙之
利必昏黑控突夔人屋壁列樹白菊鏝爲墻
實以竹示式遏爲與虎近混淪乎無良賓客
憂害馬之徒苟活爲幸可嘿息已作詩示宗

武誦

長夏無所爲客居課奴僕清晨飯其腹持斧入
白谷青冥層巔後十里斬幽木人肩四根已亭
午下山麓尚聞丁丁聲功課入各足蒼皮成委
積素節相照燭藉汝跨小籬當杖若虛竹空荒
吹熊羆乳獸待人肉不示知禁情豈惟干戈哭
城中賢府主處貴如白屋蕭蕭理體靜蜂蠆不
敢毒虎穴連里閭隄防舊風俗泊舟滄江岸久
客慎所觸舍西崖嶠壯雷雨蔚含蓄墻宇資屢

修衰年怯幽獨爾曹輕執熱爲我恐煩促秋光
近清岑季月當泛菊報之以微寒共給酒一斛
汝性不如葷清靜僕夫內秉心識本源於事少
滯礙雲端水筒坼林表山石碎觸熱藉子修通
流與厨會往來四十里荒險崖谷大日醺驚未
食貌赤媿相對浮瓜供老病裂餅常所愛於斯
答恭謹足以殊殿最詎要方士符何假將軍蓋
行諸直如筆用意崎嶇外

行官張望補稻畦水歸

杜甫

東屯大江北百頃平若案六月青稻多千畦碧
泉亂插秧適云已引溜加漑灌更僕往方塘決
渠當斷岸公私各地著浸潤無天旱王守問家
臣分明見谿畔芊芊炯翠羽剡剡生銀漢鷗鳥
鏡裏來關山雪邊看秋菰成黑米精鑿傳白粲
玉粒足晨炊紅鮮任霞散終然添旅食作苦期
壯觀遺穗及衆多我倉戒滋漫

種蒿苳

并序

杜甫

既雨已秋堂下理小畦隔種一兩席許蒿苳
向二旬矣而苳不甲拆獨野莧青青傷時君
王子或晚得微祿輒軻不進因此作詩
陰陽一錯亂驕蹇不復理枯旱於其中炎方慘
如燬植物半蹉跎嘉生將已矣雲雷歛奔命師
伯集所使指揮赤白日瀕洞清光起雨聲先已
風散足盡西靡山泉落滄江霹靂猶在耳終朝
紆颯沓信宿罷瀟灑堂下可以畦呼童對經始
苳今蔬之常隨事藝其子破塊數席間荷鋤功

易止兩旬不甲拆空惜埋泥滓野莧迷汝來宗
生實於此此輩豈無秋亦蒙寒露委翻然出地
速滋蔓戶庭毀因知邪干正掩仰至沒齒賢良
雖得祿守道不封已擁塞敗芝蘭衆多盛荆杞
中園陷蕭艾老圃永爲耻登于白玉盤藉以如
霞綺莧也無所施胡顏入筐篚

瓜蔬開 驅豎子摘蒼耳

杜甫

江上秋已分林中瘴猶劇畦丁告勞苦無以供
朝夕蓬莠獨不焦野蔬暗泉石卷耳况療風童

兒且時摘侵星驅之去爛熳任遠適放筐亭午
際洗剝相蒙幕登牀半生熟下筯還小益加點
瓜薤間依稀橘奴跡亂世誅求急黎民糠粃窄
飽食復何心荒哉膏粱客富家厨肉臭戰地骸
骨白寄語惡少年黃金且休擲

除草

杜甫

草有害於人曾何生阻脩其毒甚蜂蠆其多彌
道周清晨步前林江色未散憂芒刺在我眼焉
能待高秋霜雪一霑凝蕙葉亦難留荷鋤先童

稚日入仍討求轉置水中央豈無雙釣舟頑根
易滋蔓致使依舊丘自茲藩籬曠更覺松竹幽
芟夷不可闕疾惡信如讎

園官送菜

并序

杜甫

園官送菜把本數日闕矧苦苣馬齒掩乎嘉
蔬傷小人妬害君子菜不足道也比而作詩
清晨蒙菜把常荷地主恩守者愆實數略有其
名存苦苣刺如鍼馬齒葉亦繁青青嘉蔬色埋
沒在中園園吏未足恠世事固堪論嗚呼戰代

久荆棘暗長原乃知苦苜輩傾奪蕙草根小人
塞道路爲態何喧喧又如馬齒盛氣擁葵荏昏
點染不易虞絲麻襍羅紈一經器物內永挂龕
刺痕志士採紫芝放歌避戎軒畦丁負籠至感
動百慮端

園人送瓜

杜甫

江間雖炎瘴瓜熟亦不早栢公鎮夔國滯務茲
一掃食新先戰士共少及谿老傾筐蒲鴿青滿
眼顏色好竹竿接嵌竇引注來鳥道浮沈亂水

玉愛惜如芝草落刃嚼水霜開懷慰枯槁許以
秋蒂除仍看小兒抱東陵跡蕪絕楚漢休征討
園人非故侯種此何草草

催宗文樹雞柵

杜甫

吾衰怯行邁旅次展崩迫愈風傳烏雞秋卵方
漫喫自春生成者隨母向兩翮驅趨制不禁喧
呼山腰宅課奴殺青竹終日增赤憤踏藉盤案
翻塞蹊使之隔墻東有隙地可以樹高柵避熱
時來歸問兒所爲跡織籠巢其內令人不得擲

稀間可突過，黼爪還污席。我寬螻蟻遭，彼免狐貉厄。應宜各長幼，自此均勍敵。籠柵念有修，近身見損益。明明領處分，一一當剖析。不昧風雨晨，亂離減憂感。其流則凡鳥，其氣心匪石。倚賴窮歲晏，撥煩去冰釋。未似尸鄉翁，拘留蓋阡陌。

營屋

杜甫

我有陰江竹，能令朱夏寒。陰通積水內，高入浮雲端。甚疑鬼物憑，不顧剪伐殘。東偏若面勢，戶牖可永安。愛惜已六載，茲晨去千竿。蕭蕭見白

日洶洶，開奔湍。度堂匪華麗，養拙異考槃。草茅雖薙葺，衰病方少寬。洗然順所適，此足代加餐。寂無斤斧響，庶遂憇息歡。

引東泉作

元結

東泉人未知，在我左山東。引之傍山來，垂流落庭中。宿霧含朝光，掩映如殘虹。有時散成雨，飄灑隨清風。衆源發淵竇，殊怪皆不同。此流又高懸，瀟瀟在長空。山林何處無，茲地不可逢。吾欲解纓佩，便爲泉上翁。

秋浦清谿雪夜對酒客有唱山鷓鴣者
披我貂襜褕對君白玉壺雪花酒上滅頓覺夜
寒無客有桂陽至能吟山鷓鴣清風動牕竹越
鳥起相呼持此足爲樂何煩笙與竽

盛唐彙詩卷第四十五

四唐彙詩二百二十五

盛唐彙詩卷第四十六

四唐彙詩二百二十六

新都

吳勉學編輯

江晏如校訂

五言古體

題詠

秋獵孟諸夜歸置酒單父東樓觀妓

李白

傾暉速短炬走海無停川冀餐圓丘草欲以還
頽年此事不可得微生若浮煙駿發跨名駒雕

弓控鳴弦鷹豪魯草白狐兔多肥鮮邀遮相馳
逐逐出城東田一掃四野空喧呼鞍馬前歸來
獻所獲炮煮宜霜天出舞兩美人飄颻若雲仙
留歡不知疲清曉方來旋

邯鄲南亭觀妓

李白

歌鼓燕趙兒魏妹弄鳴絲粉色豔月彩舞袖拂
花枝把酒顧美人請歌邯鄲詞清箏何繚繞度
曲綠雲垂平原君安在科斗生古池座客三千
人于今知有誰我輩不作樂但爲後人悲

太公衰晚遇

常建

日出渭流白文王畋獵時釣翁在蘆葦川澤無
熊羆詔書起遺賢匹馬今致辭因稱江海人臣
老筋力衰遲遲詣天車怏怏悟靈龜兵馬更不
獵君臣皆共怡同車至咸陽心影無磷緇四牡
玉墀下一言爲帝師王侯擁朱門軒蓋耀長逵
古來榮華人遭遇誰知之落日懸桑榆光景有
頓虧倏忽天地人雖貴將何爲

李白風朝王歷陽不肯飲酒

李白

地白風色寒雪花大如手笑殺陶淵明不飲杯中酒浪撫一張琴虛栽五株柳空負頭上巾吾於爾何有

嘲魯儒

李白

魯叟談五經白髮死章句問以經濟策茫如墜煙霧足著遠遊履首戴方山巾緩步從直道未行先起塵秦家丞相府不重褒衣人君非叔孫通與我本殊倫時事且未達歸耕汶水濱

閨情

李白

流水去絕國浮雲辭故關水或戀前浦雲猶歸舊山恨君流沙去棄妾漁陽間玉筯日夜流雙雙落朱顏黃鳥坐相悲綠楊誰更攀織錦心草草挑燈淚斑斑窺鏡不自識况乃狂夫還

代秋情

李白

幾日相別離門前生穠葵寒蟬聒梧桐日夕長鳴悲白露濕螢火清霜凌兔絲空掩紫羅袂長啼無盡時

代贈遠

贈一作寄

李白

妾本洛陽人狂夫幽燕客渴飲易水波由來多
感激胡馬西北馳香駿搖綠絲鳴鞭從此去逐
虜蕩邊陲昔去有好言不言久離別燕支多美
女走馬輕風雪見此不記人恩情雲雨絕啼流
玉筋盡坐恨金閨切織錦作短書腸隨迴文結
相思欲有寄恐君不見察焚之揚其灰手跡自
此滅不願黃鳥坐臥悲絲絲更攀絲絲心草
山別代別情人素衣素裳素問玉蘭李白

清水本不動桃花發岸傍桃花弄水色波蕩搖
春光我悅子容豔子傾我文章風吹綠琴去曲
度紫鴛鴦昔作一水魚今成兩枝鳥哀哀長雞
鳴夜夜達五曉起折相思樹歸贈知寸心覆水
不可收行雲難重尋天涯有度鳥莫絕瑤華音

來空對學古思邊

李白

銜悲上隴首腸斷不見君流水若有情幽哀從
此分蒼茫愁邊色惆悵落日曛山外接遠天天
際復有雲白鴈從中來飛鳴苦難聞足繫一書
札寄言難離羣離羣心斷絕十見花成雲胡地

無春暉征人行不歸相思杳如夢珠淚濕羅衣
烈對代美人愁鏡來無那苦喚聞李白一書
明明金鵲鏡了了玉臺前拂拭交冰月光輝何
清圓紅顏老昨日白髮多去年鉛粉坐相誤照
來空悽然古思數
李白
不問外寄遠九首
三鳥別王母銜書來見過腸斷若剪絃其如愁
思何遙知玉牕裏纖手弄雲和奏曲有深意青
松交女蘿寫水落井中同泉豈殊波秦心與楚

恨皎皎爲誰多

青樓何所在乃在碧雲中寶鏡挂秋水羅衣輕
春風新妝坐落日悵望金屏空念此送短書願
因雙飛鴻

本作一行書殷勤道相憶一行復一行滿紙情
何極瑤臺有黃鶴爲報青樓人朱顏凋落盡白
髮一何新自知未應還離居經三春桃李今若

爲當牕發光彩莫使香風飄留取紅芳待
玉筋落青鏡坐愁湖陽水聞與陰麗華風煙接
鄰里青春已復過白日忽相催但恐飛花晚令
人意已推相思不惜夢日夜向陽臺

又
遠憶巫山陽花明淥江煖躊躇未得往淚向南
雲滿春風復無情吹我夢魂斷不見眼中人天
長音信短

又
陽臺隔楚水春草生黃河相思無日夜浩蕩若
流波流波向海去定遶珠江濱遙將一點淚遠
寄如花人

又
妾在春陵東君居漢江島一旦望花光往來成
白道一爲雲雨別此地生秋草秋草秋蛾飛相
思愁落暉何由一相見滅燭解羅衣

長短春草綠綠階如有情卷施心獨苦抽却死
還生覩物知妾意稀君種後庭閑時當采掇念
此莫相輕雲雨限此此土將草採草採地地
魯編如玉霜翦題月氏書寄書白鸚鵡西海慰
離居行數雖不多字字有委曲天末如見之開
緘淚相續千里若在眼萬里若在心相思千萬
里一書值百金

古興三首

趙氏

鬱蒸夏將半暑氣扇飛閣驟雨滿空來當軒捲
羅幙度雲開夕霽宇宙何清廓明月流素光輕
風換炎鑠孤鸞傷對影寶瑟悲別鶴君子去不
還搖心欲何托

又

金菊延清霜玉壺多美酒良人獨不歸芳菲豈
常有不惜芳菲歇但傷離別久含情罷斟酌凝
怨對牕牖

又

霽雪舒長野寒雲伴秋谷巖風振枯條啼猿抱
水木所嗟遊宦子少小荷天祿前程未云至悽
愴對車僕歲寒成詠歌日暮棲林樸不憚行路
險空悲年運促

孤興

賀朝

晴日煖珠箔天桃色正新紅粉青鏡中娟娟可
憐嚙君子在遐險蕙心誰見珍羅幕空掩畫玉
顏倩移春江瑟語幽獨再三情未申黃鵠千里
翅芳音遲所因

初日

王昌齡

初日淨金閨先照牀前煖斜光入羅幕稍稍親
絲管雲髮不能梳楊花更吹滿

越女

王昌齡

越女作桂舟還將桂爲楫湖上水渺漫清江不
可涉摘取芙蓉花莫摘芙蓉葉將歸問夫婿顏
色何如妾

雜詩

獨孤及

日花結成子春物捨我去流年惜不得獨坐空

閨暮心自有所待甘爲物華悞未必千黃金買
得一人顧

同張明府清鏡歎

孟浩然

妾有盤龍鏡清光常晝發自從生塵埃有若霧
中月愁來試取照坐歎生白髮寄語邊塞人如
何久離別

同房憲部應旋

闕

儲光羲

衡山法王子惠見息諸苦落髮自南州燕居在
西土養正不因晦得中寧患旅曠然長虛閑卽

理寄行補四句了自性一音亦非取橘柚故園
枝隨人植庭戶我地少安住念天時啓處憲卿
文昌歸愉悅來晤語車騎踐香草僕人沐花雨
長風散繁雲萬里靜天宇起滅信易覺清真知
有所逍遙高殿陰六月無炎暑微言發新偈粲
粲如縣圃直心視慧光在此大法鼓

失題

王昌齡

姦雄乃得志遂使羣心搖赤風蕩中原烈火無
遺巢一人計不用萬里空蕭條

巖巢一人情不用萬里空蕭然

森然八拜志幾對羣心針赤風萬中風原火無

犬獸

王昌齡

乘吹烈圍軍心師慧去奔出大志越

育汎出鼓高翅劍六月無炎暑對言發藤樹藥

身風增紫雲萬里精天宇賦如司長贊尚真味

文昌觀劍劍來御前車視翅香草對人木外再

外湖入師或只此少安封念天神若遠靈

盛唐彙詩卷第四十六 一 青四唐彙詩二百十六

盛唐彙詩卷第四十七

四唐彙詩二百十六

兼辭朝 吳勉學 編輯

新都 江晏如 校訂

五言古體

哀傷

泉出人八哀詩 杜甫

去傷時盜賊未息興起王公李公歎舊懷賢終

不于張相國八公前後存歿遂不詮次焉

贈司空王公思禮 杜甫

司空出東夷童稚刷勁翮追隨燕薊兒頽銳物
不隔服事哥舒翰意無流沙磧未甚拔行間大
戎大充斥短小精悍資屹然強寇敵貫穿百萬
衆出入由咫尺馬鞍懸將首甲外控鳴鏑洗劔
青海水刻銘天山石九曲非外蕃其王轉深壁
飛兔不近駕鷲鳥資遠擊曉達兵家流飽聞春
秋癖胃襟日沈靜肅肅自有適潼關初潰散萬
乘猶辟易偏裨無所施元帥見手格太子入朔
方至尊狩梁益胡馬纏伊洛中原氣甚逆肅宗

登寶位塞望勢敦迫公時徒步至請罪將厚責
際會清河公間道傳玉冊天王拜跪畢讜議果
永釋翠華卷飛雪熊虎亘阡陌屯兵鳳皇山帳
殿涇渭闕金城賊咽喉詔鎮雄所搯禁暴靖無
雙爽氣春淅瀝巷有從公歌野多青青麥及夫
哭廟後復領太原役恐懼祿位高悵望王土窄
不得見清時嗚呼就窀穸永繫五湖舟悲甚田
橫客千秋汾晉間事與雲水白昔觀文苑傳豈
迹廉蔭績嗟嗟鄧大夫士卒終倒戟

故右僕射相國張公九齡

蘇谷十卷分晉國事與雲木日昔賤杜甫

相國生南紀金璞無留礦仙鶴下人間獨立霜
毛整矯然江海思復與雲路永寂寞想土階未
遑等箕頽上君白玉堂倚君金華省碣石歲崢
嶸天地日蛙黽退食吟大庭何心記榛梗骨驚
畏曩哲鬢變負人境雖蒙換蟬冠右地慙多幸
敢忘二疎歸痛迫蘇耽井紫綬映暮年荊州謝
所領庾公興不淺黃霸鎮每靜賓客引調同諷

詠在務屏詩罷地有餘篇終語清省一陽發陰
管淑氣含公鼎乃知君子心用才文章境散帙
起翠螭倚薄巫廬竝綺麗玄暉擁牋誄任昉騁
自成一家則未缺隻字警千秋滄海南名繫朱
鳥影歸老守故林戀闕情延頸波濤良史筆蕪
絕太庾嶺向時禮數隔制作難上請再讀徐孺
碑猶思理煙艇

故著作郎貶台州司戶滎陽鄭公虔

蘇調至魯門不端餘趙慶以筆望亦杜甫思

鷄鷓至魯門不識鐘鼓饗孔翠望赤霄愁思雕
籠養榮陽冠衆儒早聞名公賞地崇士大夫况
乃氣清爽天然生知姿學立游夏上神農或闕
漏黃石愧師長藥纂西極名兵流指諸掌貫穿
無遺恨蒼最何技癢玉臬星經奧蟲篆丹青廣
子雲窺未遍方朔諧太枉神翰顧不一體變鍾
兼兩文傳天下口大字猶在榜昔獻書畫圖新
詩亦俱往滄洲動玉陛寡鶴誤一響三絕自御
題四方尤所仰嗜酒益踈放彈琴視天壤形骸

實土木親近唯几杖未曾寄官曹突兀倚書幌
晚就芸香閣胡塵昏垓莽反覆歸聖朝點染無
滌盪老蒙台州椽泛泛浙江槩履穿四明雪饑
拾糶谿椽空聞紫芝歌不見杏壇丈天長眺東
南秋色餘颺颺別離慘至今斑白徒懷曩春深
秦山秀葉墜清渭朗據談王侯門野稅林下鞅
操紙終夕酣時物集遐想詞場竟踈濶平昔濫
推獎百年見存沒牢落吾安訪蕭條阮咸在出
處同世網他日訪江樓含悽述飄蕩

故秘書少監武功蘇公源明

杜甫

武功少也孤，徒步客徐兗。讀書東嶽中，十載考墳典。時下萊蕪郭，忍饑浮雲巘。負米晚為身，每食臉必泫。夜字照熱薪，垢衣生碧蘚。庶以勤苦志，報茲劬勞願。學蔚醇儒姿，文包舊史善。灑落辭幽人，歸來潛京輦。射策君東堂，宗匠集精選。制可題未乾，乙科已大闡。文章日自負，吏掾亦累踐。晨趨閭闔內，足踏宿昔趼。一麾出守還，黃

屋朔風卷不暇，陪八駿虜庭悲。所遣平生滿樽酒，斷此朋知展憂憤。病二秋有恨，石可轉肅宗。復社稷得無逆，順辯范曄顧。其兒李斯憶黃犬，秘書茂松色。再扈祠壇墀，前後百卷文。枕藉皆禁巒，篆刻楊雄流。溟漲本末淺，青熒芙蓉劍。犀兕豈獨刺，反為後輩褻。予實苦懷緬，煌煌齋房芝。事絕萬手搴，垂之俟來者。正始徵勸勉，不要懸黃金。胡為投乳贖，結交三十載。吾與誰遊衍，滎陽復冥寞。罪罟以橫罟，嗚呼子逝日。始泰則

終蹇長安米萬錢凋喪盡餘喘戰伐何當解歸
帆阻清沔尚纏漳水疾永負蒿里餞

贈秘書監江夏李公邕

杜甫

長嘯宇宙間高才日陵替古人不可見前輩復
誰繼憶昔李公存詞林有根柢聲華當健筆灑
落富清製風流散金石追琢山嶽銳情窮造化
理學貫天人際干謁走其門碑版照四裔各滿
深望還森然起凡例蕭蕭白楊路洞徹寶珠惠
龍宮塔廟湧浩劫浮雲衛宗儒俎豆事故吏去

思計眇昧已皆虛跋涉曾不泥向來映當時豈
特勸後世豐屋珊瑚釣麒麟織成罽紫駟隨劍
几義取無虛歲分宅脫驂間感激懷未濟衆歸
賙給美擺落多藏穢獨步四十年風聽九臯唳
嗚呼江夏姿竟掩宣尼袂昔者武后朝引用多
寵嬖否臧太常議面折二張勢衰俗凜生風排
蕩秋旻霽忠貞負冤恨宮闕深旒綴放逐早聯
翩低垂困炎厲日斜鵬鳥入魂斷蒼梧帝榮枯
走不暇星駕無安稅幾分漢庭竹夙擁文侯篲

終悲洛陽獄事近小臣斃禍階初負詢易力何
深躋伊昔臨淄亭酒酣託末契重叙東都別朝
陰改軒砌論文到崔蘇指盡流水逝近伏盈川
雄未甘特進麗是非張相國相扼一危脆爭名
古豈然鍵捷歟不閉例及吾家詩曠懷掃氛翳
慷慨嗣真作咨嗟玉山桂鍾律儼高懸鯨鯢噴
迢遞坡陀青州血蕪沒汶陽瘞哀贈竟蕭條恩
波延揭厲子孫存如綫舊客舟凝滯君臣尚論
兵將帥接燕薊朗詠六八篇憂來豁蒙蔽

贈太子太師汝陽郡王璡

寧王
長子

杜甫

汝陽讓帝子眉宇真天人虬鬚似太宗色映塞
外春往者開元中主恩視遇類出入獨非時禮
異見羣臣愛其謹潔極倍此骨肉親從容退朝
後或在風雪晨忽思格猛獸苑囿騰清塵羽旗
動若一萬馬肅駢駢詔王來射鴈拜命已挺身
箭出飛鞚內上天回翠麟翻然紫塞翮下拂明
月輪胡人雖獲多天笑不爲新王每中一物手

自與金銀袖中諫獵書扣馬久上陳竟無銜
虞聖聰矧多仁官免供給費水有在藻鱗匪惟
帝老大皆是王忠勤晚年務置醴門引申白賓
道大容無能永懷侍芳茵好學尚貞烈義形必
霑巾揮翰綺繡揚篇什若有神川廣不可沂墓
久狐兔鄰宛彼漢中郡文雅見天倫何以慰我
悲泛舟俱遠津溫溫昔風味少壯已書紳舊遊
易磨滅衰謝增酸辛

贈左僕射鄭國公嚴公武

杜甫

鄭公瑚璉器華嶽金天晶昔在童子日已聞老
成名嶷然大賢後復見秀骨清開口取將相小
心事友生閱書百紙盡落筆四座驚歷職匪父
任嫉邪嘗力爭漢儀尚整肅胡騎忽縱橫飛傳
自河隴逢人問公卿不知萬乘出雪涕風悲鳴
受詞劔閣道謁帝蕭關城寂寞雲臺仗飄飄沙
塞旌江山少使者笳鼓凝皇情壯士血相視忠
臣氣不平密論正觀體揮發岐陽征感激動四

極聯翩收二京西郊牛酒再原廟丹青明匡汲
俄寵辱衛霍竟哀榮四登會府地三掌華陽兵
京兆空柳色尚書無履聲羣鳥自朝夕白馬休
橫行諸葛蜀人愛文翁儒化成公來雪山重公
去雪山輕記室得何遜韜鈴延子荆四郊失壁
壘虛館開逢迎堂上指圖畫軍中吹玉笙豈無
成都酒憂國只細傾時觀錦水釣問俗終相并
意待犬戎滅人藏紅粟盈以茲報主願庶或禪
世程炯炯一心在沈沈二豎嬰顏淵竟短折賈

誼徒忠貞飛旄出江漢孤舟轉荆衡虛無馬融
笛悵望龍驤瑩空餘老賓客身上媿簪纓

故司徒李公光弼

杜甫

司徒天寶末北收晉陽甲胡騎攻吾城愁寂竟
不愜人安若泰山薊北斷右脅朔方氣乃蘇黎
首見帝業二宮泣西郊九廟起頽壓未散河陽
卒思明僞臣妾復自碣石來火焚乾坤獵高視
笑祿山公又大獻捷異王冊崇勲小敵信所怯
擁兵鎮河汴千里初安帖青蠅紛營營風雨秋

一葉內省未入朝死淚終映睫大屋去高棟長
城掃遺堞平生白羽扇零落蛟龍匣雅望與英
姿惻愴槐里接三軍晦光彩烈士痛稠疊直筆
在史臣將來洗箱篋吾思哭孤冢南紀阻歸楫
扶顛永蕭條未濟失利涉疲薶竟何人灑涕巴
東峽

傷峴山雲表觀主

孟浩然

少小學書劍秦吳多歲年歸來一登眺陵谷尚
依然豈意餐霞客溘隨朝露先因之問閭里把

臂幾人全

同王十三維哭殷遙

儲光羲

生理無不盡念君在中年遊道雖未深舉世莫
能賢筮仕苦貧賤爲客少田園膏腴不可求乃
在許西偏四鄰盡桑柘咫尺步開墻垣內艱未及
虞形影隨化遷茅茨俯苦蓋雙殯兩楹間時聞
孤女號迴出陌與阡慈鳥亂飛鳴猛獸亦以踰
故人王夫子靜念無生篇哀樂久已絕聞之將
泫然太陽蔽空虛雨雪浮蒼山迢遞親靈襯顧

予悲絕絃處順與安時及此乃空言

哭殷遙

王維

人生能幾何畢竟歸無形念君等爲死萬事傷
人情慈母未及葬一女纔十齡泱泱寒郊外蕭
條聞哭聲浮雲爲蒼茫飛鳥不能鳴行人何寂
寞白日自淒清憶昔君在時問我學無生勸君
苦不早令君無所成故人各有贈又不及生平
負爾非一途慟哭返柴荆

自溧水道哭王炎

李白

白楊雙行行白馬悲路傍晨興見曉月更似發
雲陽溧水通吳關逝川去未央故人萬化盡閉
骨茅山岡天上墜玉棺泉中掩龍章名飛日月
上意與風雲翔逸氣竟莫展英圖俄天傷楚國
一老人來嗟龔勝亡有言不可道雪泣憶蘭芳

哭單父梁九少府

高適

開篋淚沾臆見君前日書夜臺今寂寞猶是子
雲居疇昔貪靈竒登臨賦山水同舟南浦下望
月西江裏契濶多別離綢繆到生死九原卽何

處萬事皆如此晉山徒嗟峨斯人已冥冥常時
祿且薄歿後家復貧妻子在遠道兄弟無一人
十上多苦辛一官常自哂青雲將可致白日忽
先盡唯有身後名空留無遠近

哭裴少府

高適

世人誰不死嗟君非生慮扶病適到官田園在
何處公才羣吏感葬事他人助余亦未識君深
悲哭君去

陸著作挽歌五首

儲光羲

世業江湖側郊原休沐處猶言五日歸未道千
秋去鄉亭春水綠昌閣寒光暮昔爲畫錦遊今
成逝川路

又

歸路秦城下寒雲慘平田故園滄海邊綠柳覆
平川送客異他日還舟殊昔年華亭有明月長
向隴頭懸

又

劔水千人石荆江萬里流英英有君子才德滿

中州明道侯良佐惟賢初薄遊生涯一朝盡寂寞
寔夜臺幽

又

金堂策令名仙掖居清位鳴玉朝雙闕垂纓遊
兩地朝夕既論思春秋仍書事何言魯聲伯忽
下瓊珠淚

又

令德棄人世明朝降寵章起居存有位著作沒
爲郎寒水落南浦月華虛北堂松門一長想彷彿

見清揚

故南陽夫人樊氏挽歌

王維

石窳恩榮重金吾車騎盛將朝每贈言入室還
相敬疊鼓秋城動懸旌寒日映不言長不歸環
佩猶將聽

盛唐彙詩卷第四十七

四唐彙詩一百二十七

盛唐彙詩卷第四十八

四唐彙詩一百二十八

新都

吳勉學 編輯

江晏如 校訂

七言古體

樂府

天馬歌

長短句

李白

天馬來出月氏窟背為虎文龍翼骨嘶青雲振
緣髮蘭筋權奇走滅沒騰崑崙歷西極四足無
一蹶雞鳴刷燕晡秣越神行電邁躡恍惚天馬

呼飛黃趨日明長庚臆雙鳧尾如流星首渴烏
口噴紅光汗溝珠曾陪時龍躍天衢羈金絡月
照皇都逸氣稜稜凌九區白壁如山誰敢沾回
頭笑紫燕但覺爾輩愚天馬奔戀君軒駮躍驚
矯浮雲翻萬里足躑躅遙瞻閭闔門不逢寒風
子誰采逸景孫白雲在青天丘陵遠崔嵬鹽車
上峻坂倒行逆施畏日晚伯樂剪拂中道遺少
盡其力老棄之願逢田子方惻然爲我悲雖有
玉山禾不能療苦饑嚴霜五月凋桂枝伏櫪銜

冤摧兩眉請君贖獻穆天子猶堪弄影舞瑤池

戰城南

長短句

李白

去年戰桑乾源今年戰葱河道洗兵條支海上
波放馬天山雪中草萬里長征戰三軍盡衰老
匈奴以殺戮爲耕作古來唯見白骨黃沙田秦
家築城備胡處漢家還有烽火然烽火然不息
長征無已時野戰格鬪歿敗馬嘶鳴向天悲烏
鳶啄人腸銜飛上挂枯樹枝士卒塗草莽將軍
空爾爲乃知兵者是凶器聖人不得已而用之

將進酒

長短句

李白

君不見黃河之水天上來奔流倒海不復回君
不見高堂明鏡悲白髮朝如青絲暮成雪人生
得意須盡歡莫使金樽空對月天生我材必有
用千金散盡還復來烹羊宰牛且爲樂會須一
飲三百杯岑夫子丹丘生將進酒君莫停與君
歌一曲請君爲我傾耳聽鐘鼎玉帛豈足貴但
願長醉不用醒古來賢聖皆寂寞惟有飲者留
其名陳王昔時宴平樂斗酒十千恣譴謔主人

何爲言少錢徑須沽取對君酌五花馬千金裘
呼兒將出換美酒與爾同銷萬古愁

君馬黃

長短句

李白

君馬黃我馬白馬色雖不同人心本無隔共作
遊冶盤雙行洛陽陌長劔旣照耀高冠何赭赫
各有千金裘俱爲五侯客猛虎落陷穽壯士時
屈厄相知在急難獨好亦何益

設辟邪佞鼓吹雉子斑曲辭

長短句

李白

辟邪伎作鼓吹驚雉子斑之奏曲成喔咿振迅
欲飛鳴扇錦翼雄風生雙雌同飲啄趨悍誰能
爭乍向草中耿介歿不求黃金籠下生天地至
廣大何惜遂物情善卷讓天子務光亦逃名所
貴曠士懷朗然合太清
長短句
古有所思行
李白
我思仙人乃在碧海之東隅海寒多天風白波
連山倒蓬壺長鯨噴湧不可涉撫心茫茫淚如
珠西來青鳥東飛去願寄一書謝麻姑

隴頭吟

王維

長城少年游俠客夜上戍樓看太白隴頭明月
迴臨關隴上行人夜吹笛關西老將不勝愁駐
馬聽之雙淚流身經大小百餘戰麾下偏裨萬
戶侯蘇武纔爲典屬國節旄空盡海西頭

長安道

紀事題作
霍將軍

崔顥

長安甲第高入雲誰言居住霍將軍日晚朝迴
擁賓從路傍揖拜何紛紛莫言炙手手可熱須
臾火盡灰亦滅莫言貧賤即可欺人生富貴自

有時一朝天子賜顏色世上悠悠應始知

木蘭歌

韋元甫

木蘭抱杼嗟借問復爲誰欲聞所憾憾感激疆
其顏老父隸兵籍氣力日衰耗豈足萬里行有
子復尚少胡沙沒馬足朔風裂人膚老父舊羸
病何以疆自扶木蘭代父去秣馬備戎行易却
紈綺裳洗却鉛粉妝馳馬赴軍幙慷慨攜干將
朝屯雪山下暮宿青海傍夜襲燕支虜更攜干
闥羌將軍得勝歸士卒還故鄉父母見木蘭喜

極成悲傷木蘭能承父母顏却卸巾鞬理絲篋
昔爲烈士雄今爲嬌子容親戚持酒賀父母始
知生女與男同門前舊軍都十年共崎嶇本結
弟兄交歿戰誓不渝今者見木蘭言聲雖是顏
貌殊驚愕不敢前歎息徒嘻吁世有臣子心能
如木蘭節忠孝兩不渝千古之名焉可滅

白鼻騮

長短句

李白

銀鞍白鼻騮綠地障泥錦細雨春風花落時揮
鞭直就胡姬飲

笙篴引

王昌齡

盧谿郡南夜泊舟夜聞兩岸羌戎謳其時月黑
猿啾啾微雨露衣令人愁有一遷客登高樓不
言不寐彈笙篴彈作薊門桑葉秋風沙颯颯青
塚頭將軍鐵騾汗血流深入匈奴戰未休黃旗
一點兵馬收亂殺胡人積如丘瘡病驅來役邊
州仍披漠北羔羊裘顏色饑枯掩面羞眼眶淚
滴深兩眸思還本鄉食羶牛欲語不得指咽喉
或有強壯能咿嘍意說被他邊將讐五世屬藩

漢主畱碧毛氊帳河曲遊橐駝五萬部落稠敕
賜飛鳳金兜鍪爲君百戰如過籌靜掃陰山無
鳥投家藏鐵券特承優黃金千斤不稱求九族
分離作楚囚深谿寂寞絃苦幽草木悲感聲颼
颼僕本東山爲國憂明光殿前論九疇麓讀兵
書盡冥搜爲君掌上施權謀洞曉山川無與儔
紫宸詔發遠懷柔搖筆飛霜如奪鉤鬼神不得
知其由憐愛蒼生比蚍蜉朔河屯兵須漸抽盡
遣降來拜御溝便令海內休戈矛何用班超定

遠矣史臣書之得已不

公無渡河

長短句

李白

黃河西來決崑崙咆哮萬里觸龍門波滔天堯
咨嗟大禹理百川兒啼不窺家殺湍湮洪水九
州始桑麻其害乃去茫然風沙被髮之叟狂而
癡清晨徑流欲奚爲旁人不惜妻止之公無渡
河苦渡之虎可搏河難馮公果溺歿流海湄海
湄有長鯨白齒若雪山公乎公乎掛骨於其間
篋篋所悲竟不還

江南曲

長短句

李叔卿

湖上女江南花無雙越女春浣沙風似箭月如
弦少年吳兒曉進船郗家子弟謝家郎烏巾白
袷紫香囊菱歌思欲絕楚舞斷人腸歌舞未終
涕雙隕舊宮坡陁絕嶙隱西山暮雨過江來北
渚春雲沿海盡渡口水流緩妾歸宵刺遲含情
爲君再理曲月華照出澄江時

登高丘而望遠海

長短句

李白

登高丘望遠海六鼇骨已霜三山流安在扶桑

半摧折白日沈光彩銀臺金闕如夢中秦皇漢
武空相待精衛費木石鼃鼃無所憑君不見驪
山茂陵盡灰滅牧羊之子來攀登盜賊劫寶玉
精靈竟何能窮兵黷武今如此鼎湖飛龍安可
乘

日出入行

長短句

李白

日出東方隈似從地底來歷天又復入西海六
龍所舍安在哉其始與終古不息人非元氣安
得與之久徘徊草不謝榮於春風木不怨落於

秋天誰揮鞭策驅四運萬物興歇皆自然羲和
羲和汝奚汨沒於荒淫之波魯陽何德駐景揮
戈逆道違天矯誣實多吾將囊括大塊浩然與
溟滓同科

對酒吟

崔國輔

行行日將夕荒村古塚無人跡蒙籠荆棘一鳥
吟屢勸提壺沽酒喫古人不違酒不足遺恨精
靈傳此曲寄言世上諸少年平生且盡杯中醪

王昭君

長短句

李白

漢家秦地月流影送明妃一上玉關道天涯去
不歸漢月還從東海出明妃西嫁無來日燕支
長寒雪作花蛾眉憔悴沒胡沙生乏黃金枉圖
畫歿留青塚使人嗟

長歌行

劉復

淮南木落秋雲飛楚宮商歌今正悲青春白日
不與我當壚舉酒勸君持出門驅馳四方事徒
用辛勤不得意三山海底無見期百齡世間莫
虛棄君不見金城帝業漢家有東制諸侯欲長

久姦雄竊命風塵昏函谷重關不能守龍蛇出
沒經兩朝胡虜憑陵大道銷河水東流宮闕盡
五陵松柏自蕭蕭

燕歌行

并序

高適

開元二十六年客有從御史大夫張公出塞
而還者作燕歌行以示適感征戍之事因而
和焉

漢家煙塵在東北漢將辭家破殘賊男兒本自
重橫行天子非常賜顏色搃金伐鼓下榆關旌

旆逶迤碣石間
校尉羽書飛瀚海
單于獵火照狼山
山川蕭條極邊土
胡騎憑陵雜風雨
戰士軍前半歿生
美人帳下猶歌舞
大漠窮秋塞草腓
孤城落日鬪兵稀
身當恩遇常輕敵
力盡關山未解圍
鐵衣遠戍辛勤久
玉筋應啼別離後
少婦城南欲斷腸
征人薊北空回首
邊庭飄颻那可度
絕域蒼茫無所有
殺氣三時作陣雲
寒聲一夜傳刁斗
相看白刃血紛紛
死節從來豈顧勳
君不見沙場征戰苦
至今猶憶李將軍

又

賈至

國之重鎮惟幽都
東威九夷北制胡
五軍精卒三十萬
百戰百勝擒單于
前臨滹沱後易水
崇山沃野亘千里
昔時燕王重賢士
黃金築臺從隗始
倏忽興亡空薊丘
漢家又以封王侯
蕭條魏晉爲橫流
鮮卑竊據朝五州
我唐區夏餘十紀
軍容武備赫萬祀
彤弓黃鉞授元帥
懇耕大漠爲內地
季秋膠折邊艸腓
治兵羽獵因出師
千營萬隊連旌旗
望之如火忽電馳
匈奴懾竄

窮髮北大荒萬里無塵飛君不見隋家昔爲天
下宰窮兵黷武征遼海南風不競多歿聲鼓臥
旗折黃雲橫六軍將士皆歿盡戰馬空鞍歸故
營時遷道革天下平白環入貢滄海清自有農
夫已高枕無勞校尉重橫行

又

屈同仙

漁陽八月塞草腓征人相對併思歸雲和朔氣
連天暗蓬雜驚沙散野飛是時天地陰埃遍瀚
海龍城皆血戰兩軍鼓角暗相聞四面旌旗看

不見昭君遠嫁已年多戎狄無厭不復和漢兵
候月秋防塞胡騎乘冰夜渡河河塞東西萬餘
里地與京華不相似燕支山下少春輝黃沙磧
裏無流水金戈玉劍十年征紅粉青樓多怨情
厭向殊方久離別秋來愁聽擣衣聲

猛虎行

長短句

李白

朝作猛虎行暮作猛虎吟腸斷非關隴頭水淚
下不爲雍門琴旌纒紛兩河道戰鼓驚山欲
傾倒秦人半作燕地囚胡馬翻銜洛陽草一輪

一失關下兵朝降夕叛幽薊城巨鼇未斬海水
動魚龍奔走安得寧頗似楚漢時翻覆無定止
朝過博浪沙暮入淮陰市張良未遇韓信貧劉
項存亡在兩臣暫到下邳受兵略來投漂母作
主人賢哲栖栖古如此今時亦棄青雲士有策
不敢犯龍鱗竄身南國避胡塵寶書玉劔束高
閣金鞍駿馬散故人昨日方爲宣城客掣鈴交
通二千石有時六博快壯心遶林三匝呼一擲
楚人每道張旭奇心藏風雲世莫知三吳邦伯

多顧眄四海豪傑皆相推蕭曹曾作沛中吏攀
龍附鳳當有時溧陽酒樓三月春楊花茫茫愁
殺人胡雛綠眼吹玉笛吳歌白紵飛梁塵丈夫
相見且爲樂椎牛搗鼓會衆賓我從此去釣東
海得魚笑寄情相親

從軍行

李昂

漢家未得燕支山征戍年年沙朔間塞下長驅
汗血馬雲中恒閉玉門關陰山瀚海千萬里此
日桑河凍流水稽洛山邊胡騎來漁陽戍裏烽

煙起長途羽檄何相望天子按劍思北方羽林
練士拭金甲將軍校戰出玉堂幽陵異域風煙
改亭障連連古今在夜聞鴻鴈南渡河曉望旌
旗北臨海塞沙飛浙瀝遙裔連窮磧玄漠雲平
初合陣西山月出聞鳴鏑城南百戰多苦辛路
傍歿卧黃沙人戎衣不脫隨霜雪汗馬趨趨長
被鐵楊葉樓中不寄書蓮花劍上空流血匈奴
未滅不言家驅逐行行邊徼賒歸心海外見明
月別思天邊夢落花落花迴望何悠悠芳樹無

人度隴頭春雲不變陽關雪桑葉先知胡地秋
田疇不賣盧龍策竇憲思勒燕然石麾兵靜北
垂此日交河湄欲令塞上無干戚會待單于繫
頸時

又

賀朝

朔胡乘月寇邊城軍書插羽刺中京天子金壇
拜飛將單于玉塞振佳兵騎射先鳴推任俠龍
韜決勝佇時英聞有河湟客悵悵理推幕常山
啓霸圖汜水先天策銜珠浴鐵向柔乾豐旗膏

劔指烏丸鳴雞已報關山曉來鴈遙傳沙塞寒
直爲甘心從苦節隴頭流水鳴鳴咽邊樹蕭蕭
不覺春天山漠漠長飛雪魚麗陣接塞雲平鴈
翼營通海月明始看晉幕飛鵝入旋聞齊壘啼
烏聲自從一戍燕支山春光幾度晉陽關金河
未轉青絲騎玉筋應啼紅粉顏鴻歸燕相續池
邊芳草綠已見氛清細柳營莫更春歌落梅曲
烽沈竈減靜邊亭海晏山空肅已寧行望鳳京
旋凱捷重來麟閣畫丹青

古從軍行

李頎

白日登山望烽火黃昏飲馬傍交河行人刁斗
風沙暗公主琵琶幽怨多野雲萬里無城郭雨
雪紛紛連大漠胡鴈哀鳴夜夜飛胡兒眼淚雙
雙落聞道玉門猶被遮應將性命逐輕車年年
戰骨埋荒外空見蒲桃入漢家

鞠歌行

長短句

李白

玉不自言如桃李魚目笑之卞和恥楚國青蠅
何太多連城白壁遭讒毀荆山長號泣血人忠

臣死爲刑足鬼聽曲知竊戚夷吾因小妻秦穆
五羊皮買死百里奚洗拂青雲上當時賤如泥
朝歌鼓刀叟虎變磻谿中一舉釣六合遂荒營
丘東平生渭水曲誰識此老翁奈何今之人雙
目送飛鴻

前苦寒行二首

杜甫

漢時長安雪一丈牛馬毛寒縮如蝟楚江巫峽
冰入懷虎豹哀號又堪記秦城老翁荆揚客慣
習炎蒸歲絺綌玄冥祝融氣或交手持白羽未

敢釋

又

去年白帝雪在山今年白帝雪在地凍埋蛟龍
南浦縮寒刮肌膚北風利楚人四時皆麻衣楚
天萬里無晶輝三足之鳥足恐斷羲和迭迭將
安歸

後苦寒行二首

杜甫

南紀巫廬瘴不絕太古以來無尺雪蠻夷長老
怨苦寒崑崙天關凍應折玄猿口噤不能嘯白

鵠翅垂眼流血安得春泥補地裂

又

晚來江門失大木猛風中夜飛白屋天兵斬斷
青海戎殺氣南行動坤軸不爾苦寒何太頡巴
東之峽生凌漸彼蒼回幹人得知

秋胡行

高適

妾本邯鄲未嫁時容華倚翠人未知一朝結髮
從君子將妾迢迢東魯陞時逢大道無艱阻君
方遊宦從陳汝蕙樓獨卧頻度春彩閣辭君幾

徂暑三月垂楊蠶未眠攜籠結侶南陌邊道逢
行子不相識贈妾黃金買少年妾家夫婿經離
久寸心誓與長相守願言行路莫多情道妾貞
心在人口日暮蠶饑相命歸攜籠端飾來庭闈
勞心苦力終無恨所冀君恩即可依聞說行人
已歸止乃是向來贈金子相看顏色不復言相
顧懷慙有何已從來自隱無疑背直爲君情也
相會如何咫尺仍有情況復迢迢千里外誓將
顧恩不顧身念君此日赴河津莫道向來不得

今已平昔之弟歿兄不葬他人於此舉銘旌一
鳥歿百鳥鳴一獸走百獸驚桓山之禽別離苦
欲去迴翔不能征田氏倉卒骨肉分青天白日
摧紫荆交柯之木本同形東枝顛顛西枝榮無
心之物尚如此參商胡乃尋天兵孤竹延陵讓
國揚名高風緬邈頽波激清尺布之謠塞耳不
能聽

野田黃雀行

長短句

李白

遊莫逐炎洲翠棲莫近吳宮燕吳宮火起焚爾

窠炎洲逐翠遭網羅蕭條兩翅蓬蒿下縱有鷹
鷂奈若何

蜀道難

長短句

李白

噫吁嚱危乎高哉蜀道之難難於上青天巖叢
及魚鳧開國何茫然爾來四萬八千歲不與秦
塞通人煙西當太白有鳥道可以橫絕峨眉巔
地崩山摧壯士歿然後天梯石棧相鉤連上有
六龍回日之高標下有衝波逆折之迴川黃鶴
之飛尚不得猿猱欲度愁攀緣青泥何盤盤百

步九折縈巖巒捫參歷井仰脅息以手撫膺坐
長歎問君西遊何時還畏途巉巖不可攀但見
悲鳥號古木雄飛雌從繞林間又聞子規啼夜
月愁空山蜀道之難難於上青天使人聽此凋
朱顏連峯去天不盈尺枯松倒挂倚絕壁飛湍
瀑流爭喧飀砢厓轉石萬壑雷其險也若此嗟
爾遠道之人胡爲乎來哉劔閣崢嶸而崔巍一
夫當關萬人莫開所守或匪親化爲狼與豺朝
避猛虎夕避長蛇磨牙吮血殺人如麻錦城雖

云樂不如早還家蜀道之難難於上青天側身
西望長咨嗟

胡無人

長短句

李白

嚴風吹霜海草凋筋骸精堅胡馬驕漢家戰士
三十萬將軍兼領霍嫖姚流星白羽腰間插劔
花秋蓮光出匣天兵照雪下玉關虜箭如沙射
金甲雲龍風虎盡交迴太白入月敵可摧敵可
摧旄頭滅履胡之腸涉胡血懸胡青天上埋胡
紫塞旁胡無人漢道昌陛下之壽三千霜但歌

大風雲飛揚安用猛士今守四方

白頭吟

長短句

李白

錦水東北流波蕩雙鴛鴦雄巢漢官樹雌弄秦
草芳寧同萬死碎綺翼不分雲間兩分張此時
阿嬌正嬌妬獨坐長門愁日暮但願君恩顧妾
深豈惜黃金買詞賦相如作賦得黃金丈夫好
新多異心一朝將聘茂陵女文君因贈白頭吟
東流不作西歸水落花辭條羞故林兔絲本無
情隨風任傾倒誰使女蘿枝而來強縈抱兩草

猶一心人心不如草莫捲龍鬚席從他生網絲
且留琥珀枕或有夢來時覆水再收豈滿杯棄
妾已去難重回古來得意不相負祇今唯見青
陵臺

梁父吟

長短句

李白

長嘯梁父吟何時見陽春君不見朝歌屠叟辭
棘津八十西來釣渭濱寧羞白髮照綠水逢時
吐氣思經綸廣張三千六百鈞風期暗與文王
親大賢虎變愚不測當年頗似尋常人又不見

高陽酒徒起草中長揖山東隆準公一開游說
騁雄辨兩女輟洗來趨風東下齊城七十二指
揮楚漢如旋蓬狂客落魄尚如此何況壯士當
羣雄我欲攀龍見明主雷公砰訇震天鼓帝傍
投壺多玉女三時大笑生電光倏爍晦冥起風
雨閭闔九門不可通以額扣關閤者怒白日不
照吾精誠杞國無事憂天傾楔偷磨牙競人肉
騶虞不折生草莖手接飛猱搏彫虎側足焦原
未言苦智者可卷愚者豪世人見我輕鴻毛力

排南山三壯士齊相殺之費二桃吳楚弄兵無
劇孟亞夫哈爾爲徒勞梁父吟梁父吟聲正悲
張公兩龍劔神物合有時風雲感會起屠釣大
人峴岵當安之

春江花月夜

張若虛

春江潮水連海平海上明月共潮生滌滌隨波
千萬里何處春江無月明江流宛轉遶芳甸月
照花林皆似霰空裏流霜不覺飛汀上白沙看
不見江天一色無纖塵皎皎空中孤月輪江畔

何人初見月江月何年初照人人生代代無窮
已江月年年祗相似不知江月照何人但見長
江送流水白雲一片去悠悠青楓浦上不勝愁
誰家今夜扁舟子何處相思明月樓可憐樓上
月徘徊應照離人妝鏡臺玉戶簾中卷不去
衣砧上拂還來此時相望不相聞願逐月華流
照君鴻鴈長飛光不度魚龍潛躍水成文昨夜
閑潭夢落花可憐春半不還家江水流春去欲
盡江潭落月復西斜斜月沈沈藏海霧碣石瀟

湘無限路不知乘月幾人歸落月搖情滿江樹

魚山神女祠歌二首

迎神曲

王維

坎坎擊鼓魚山之下吹洞蕭望極浦女巫進紛
屢舞陳瑤席湛清醕風淒淒今夜雨神之來兮
不來使我心兮苦復苦

送神曲

紛進拜兮堂前目眷眷兮瓊筵來不語兮意不
傳作暮雨兮愁空山悲急管思繁絃靈之駕兮

儼欲旋倏雲收今雨歇山青青今水潺潺

鳥夜啼自晉晉令賈謏來不李白意不

黃雲城邊鳥欲棲歸飛啞啞枝上啼機中織錦

秦川女碧紗如煙隔窓語停梭悵然憶遠人獨

宿孤房淚如雨

鳥棲曲六下九風蕭至嶽南王昌齡

白馬逐朱車黃昏入狹邪柳樹鳥爭宿爭枝未

得飛上屋東房少婦壻從軍每聽鳥啼知夜分

又李白

姑蘇臺上鳥棲時吳王宮裏醉西施吳歌楚舞
歡未畢青山欲銜半邊日銀箭金壺漏水多起
看秋月墜江波東方漸高柰樂何

又二首劉方平

蛾眉曼臉傾城國鳴環動佩新相識銀漢斜臨

白玉堂芙蓉行障掩燈光

又

畫舸雙艚錦為纜芙蓉花發蓮葉暗門前月色
映橫塘感郎中夜度瀟湘

楊叛兒

長短句

李白

君歌楊叛兒妾勸新豐酒何許最關人烏啼白
門柳烏啼隱楊花君醉留妾家博山鑪中沈香
火雙煙一氣凌紫霞

采蓮曲

長短句

李頎

越谿女越谿蓮齊齒昔雙嬋娟嬉遊向何處采
摘且同船浩唱發容與清波生漪漣時逢島嶼
泊幾伴鴛鴦眠襟袖既盈溢馨香亦相傳薄暮
歸去來苧羅生碧煙

又

李白

若耶谿傍采蓮女笑隔荷花共人語日照新妝
水底明風飄香袖空中舉岸上誰家遊冶郎三
三五五映垂楊紫驪嘶入落花去見此踟躕空
斷腸

又

長短句

李康成

采蓮去月沒春江曙翠鈿紅袖水中央青荷蓮
子雜衣香雲起風生歸路長歸路長那得久各
迴船兩搖手

鳳笙曲

李白

仙人十五愛吹笙，學得崑丘彩鳳鳴。始聞鍊氣餐金液，復道朝天赴玉京。玉京迢迢幾千里，鳳笙去去無窮已。欲歎離聲發絳唇，更嗟別調流纖指。此時惜別詎堪聞，此地相看未忍分。重吟真曲和清吹，却奏仙歌響綠雲。綠雲紫氣向函關，訪道應尋緱氏山。莫學吹笙王子晉，一遇浮丘斷不還。

陽春歌

長短句

李白

長安白日照春空，綠楊結煙柔。裊風披香殿，前花始紅流。芳發色繡戶，中繡戶中相經過。飛燕皇后輕身舞，紫宮夫人絕世歌。聖君三萬六千日，歲歲年年奈樂何。

上雲樂

長短句

李白

金天之西白日照，所沒康老胡雛生。彼月窟巉巖容儀戍削，風骨碧玉粲粲雙目瞳。黃金拳拳兩鬢紅，華蓋垂下睫。嵩嶽臨上唇，不覩詭譎貌。豈知造化神，大道是文康之嚴父。元氣乃文康之

老親撫頂弄盤古推車轉天輪云見日月初生
時鑄冶火精與水銀陽烏未出谷顧兔半藏身
女媧戲黃土團作愚下人散在六合間濛濛若
沙塵生灰了不盡誰明此胡是仙真西海栽若
木東溟植扶桑別來幾多時枝葉萬里長中國
有七聖半路頽洪荒陛下應運起龍飛入咸陽
赤眉立盆子曰水與漢光叱咤四海動洪濤爲
簸揚舉足蹋紫微天關自開張老胡感至德東
來進仙倡五色師子九苞鳳凰是老胡雞犬鳴

舞飛帝鄉淋漓颯沓進退成行能胡歌獻漢酒
跪雙膝並兩肘散花指天舉素手拜龍顏獻聖
壽北斗戾南山摧天子九九八十一萬歲長傾
萬歲杯

君道曲

長短句

李白

大君若天覆廣運無不至軒后爪牙常先太山
稽如心之使臂小白鴻翼於夷吾劉葛魚水本
無二土扶可成牆積德爲厚地

白紵辭三首

長短句

李白

揚清歌發皓齒北方佳人東鄰子且吟白紵停
綠水長袖拂面爲君起寒雲夜捲霜海空胡風
吹天飄塞鴻玉顏滿堂樂未終館娃日落歌吹
濛濛
又
月寒天清夜沈沈美人一笑千黃金垂羅舞縠
揚哀音郢中白雪且莫吟子夜吳歌動君心動
君心冀君賞願作天池雙鴛鴦一朝飛去青雲
上

又

吳刀剪絲縫舞衣明妝麗服奪春暉揚眉轉袖
若雪飛傾城獨立世所稀激楚結風醉忘歸高
堂月落燭已微玉釵挂纓君莫違

雉朝飛操

長短句

李白

麥隴青青三月時白雉朝飛挾兩雌錦衣綺翼
何離襪犢牧采薪感之悲春天和白日煖啄食
飲泉勇氣滿爭雄鬪死繡頸斷雉子斑奏急管
絃傾心酒美盡玉碗枯楊枯楊爾生莫我獨七

十而孤棲彈絃寫恨意不盡瞑目歸黃泥

雙燕離 長短句

李白

雙燕復雙燕雙飛令人羨玉樓珠閣不獨棲金
窓繡戶長相見柏梁失火去因入吳王宮吳宮
又焚蕩離盡巢亦空憔悴一身在孀雌憶故雄
雙飛難再得傷我寸心中

飛龍引二首

長短句

李白

黃帝鑄鼎於荆山鍊丹砂丹砂成黃金騎龍飛
上太清家雲愁海思令人嗟宮中綵女顏如花

飄然揮手凌紫霞從風縱體登鸞車登鸞車侍
軒轅遨遊青天中其樂不可言

又

鼎湖流水清且閑軒轅去時有弓劍古人傳道
留其間後宮嬋娟多花顏乘鸞飛煙亦不還騎
龍攀天造天關造天關聞天語屯雲河車載玉
女載玉女過紫皇紫皇乃賜白兔所搗之藥方
後天而老凋三光下視瑤池見王母蛾眉蕭颯
成秋霜

代宛轉歌二首

長短句

劉方平

星參差明月二八燈五枝黃鶴瑤琴將別去芙蓉羽帳惜空垂歌宛轉宛轉恨無窮願為潮與浪俱起碧流中

又

曉將盡黃姑織女銀河盡九華錦衾無復情千金寶鏡誰能引歌宛轉宛轉傷別離願作楊與柳同向玉容垂

山人勸酒

長短句

李白

蒼蒼雲松落落綺皓春風爾來為阿誰蝴蝶忽然滿芳草秀眉霜雪顏桃花骨青髓綠長美好稱是秦時避世人勸酒相歡不知老各守麋鹿志恥隨龍虎爭歛起佐太子漢皇乃復驚顧謂戚夫人彼翁羽翼成歸來商山下泛若雲無情舉觴酌巢由洗耳何獨清浩歌望嵩嶽意氣遙相傾

幽澗泉

長短句

李白

拂彼白石彈吾素琴幽澗欸兮流泉深善手明

嶽高張清心寂歷似千古松颼颼今萬尋中見
愁猿弔影而危處今叫秋木而長吟客有哀時
失志而聽者淚淋漓浪以霑襟乃緝商綴羽潺湲
成音吾但寫聲發憤於妙指殊不知此曲之古
今幽澗泉鳴深林
琴歌
主人有酒歡今夕請奏鳴琴廣陵客月照城頭
烏半飛霜淒萬樹風入衣銅鑪華燭燭增輝初
彈淶水後楚妃一聲已動物皆靜四座無言星

李頎

欲稀清淮奉使千餘里敢告雲山從此始

夷則格上白鳩拂舞辭

長短句

李白

鏗鳴鐘考朗鼓歌白鳩引拂舞白鳩之白誰與
鄰霜衣雪襟誠可珍含哺七子能平均食不噎
性安馴首農政鳴陽春天子刻玉杖鏤形賜者
人白鷺亦白非純真外潔其色心匪仁闕五德
無司晨胡爲啄我葭下之紫鱗鷹鷂鷓鴣貪而
好殺鳳凰雖大聖不願以爲臣

獨漉篇

長短句

李白

獨漉水中泥水獨不見月不見月尚可水深行人沒越鳥從南來胡鴈亦北度我欲彎弓向天射惜其中道失歸路落葉別樹飄零隨風客無所託悲與此同羅幃舒卷似有人開明月直入無心可猜雄劍挂壁時時龍鳴不斷犀象繡澀苔生國恥未雪何由成名神鷹夢澤不顧鴟鳶爲君一擊搏鵬九天

北風行

長短句

李白

燭龍棲寒門光曜猶旦開日月照之何不及此唯有北風號怒天上來燕山雪花大如席片片吹落軒轅臺幽州思婦十二月停歌罷笑雙蛾摧倚門望行人念君長城苦寒良可哀別時提劍救邊去遺此虎交金鞞鞞中有一雙白羽箭蜘蛛結網生塵埃箭空在人今戰歿不復迴不忍見此物焚之已成灰黃河捧土尚可塞北風雨雪恨難裁

春日行

長短句

李白

深宮高樓入紫清金作蛟龍盤繡楹佳人當牖
弄白日絃將手語彈鳴箏春風吹落君王耳此
曲乃是昇天行因出天池汎蓬瀛樓船蹙沓波
浪驚三千雙蛾獻歌笑搥鐘考鼓宮殿傾萬姓
聚舞歌太平我無爲人自寧三十六帝欲相迎
仙人飄翩下雲輶帝不去畱鎬京安能爲軒轅
獨往入窅冥小臣拜獻南山壽陛下萬古垂鴻
名

前有一樽酒行二首

長短句

李白

小來託身攀貴遊傾財破產無所憂暮擬經過
石渠署明將出入銅龍樓結交杜陵輕薄子謂
言可生復可死一沈一浮會有時棄我翻然如
脫屣男兒立身須自強十年閉戶頽水陽業就
功成見明主擊鐘鼎食坐華堂二八蛾眉梳墮
馬美酒清歌曲房下文昌宮中賜錦衣長安陌
上退朝歸五陵賓從莫敢視三省宮僚揖者稀
早知今日讀書是悔作從前任俠非

緩歌行

李頎

春風東來忽相過金樽綠酒生微波落花紛紛
稍覺多美人欲醉朱顏酡青軒桃李能幾何流
光欺人忽蹉跎君起舞日西夕當年意氣不肯
平白髮如絲竟何益

琴奏龍門之綠桐玉壺美酒清若空催絃拂柱
與君飲眼白看杯顏色紅胡姬貌如花當壚笑
春風笑春風舞羅衣君今不醉欲安歸

盛唐彙詩卷四十九

四唐彙詩二百十九

盛唐彙詩卷四十九

